



Broj:04-GV-02-84/18

Datum: 24.01.2018. godine

ZAPISNIK
O RADU 11. SJEDNICE KOMISIJE ZA SPOMENIKE GRADSKOG VIJEĆA
održane 24.01.2018. godine

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Jasmin Smječanin, član
5. Nedim Dizdarević, član
6. Pavle Krstić, član
7. Lana Velić, članica

Sjednici prisustvovao Safet Krajišnik, sekretar Gradskog vijeća Grada Sarajeva.

Sjednici prisustvovala iz Gradske službe za Gradsko vijeće:

- Mirjana Đanović Stanić, šef Odsjeka za stručne poslove

Sjednici prisustvovala:

- Senada Kočan, viši stručni saradnik u Gradskoj službi za urbano planiranje, investicijske, stambene i komunalne poslove- Odsjek za komunalne poslove

Predsjedavajući je otvorio 11. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje. Sjednica je započela razmatranjem Zapisnika o radu 10. sjednice Komisije za spomenike održane 20.12.2017.godine (*u toku 10. sjednice Gradskog vijeća*).

U raspravi je članica Komisije Lana Velić zatražila da se evidentira da na prošloj sjednici, nije podržala zaključak Komisije o povlačenju Amandmana Komisije za spomenike na Prijedlog Budžeta Grada Sarajeva za 2018. godinu, budući da, po njenom mišljenju, nije dobila ni potpuno, niti odgovarajuće obrazloženje za tako postupanje Komisije, od prisutnih predstavnika Gradonačelnika, odnosno samog Gradonačelnika.

Poslije rasprave, većinom glasova, uz jedan "suzdržan" glas, usvojen je Zapisnik o radu 10. sjednice Komisije za spomenike održane 20.12.2017.godine (*u toku 10. sjednice Gradskog vijeća*).

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Razmatranje Inicijative za izgradnju Centralnog spomen obilježja svim braniocima Sarajeva, na lokalitetu Trg Oslobođenja-Alija Izetbegović
2. Tekuća pitanja



TAČKA 1.

Razmatranje Inicijative za izgradnju Centralnog spomen obilježja svim braniocima Sarajeva, na lokalitetu Trg Oslobođenja-Alija Izetbegović

Poslije uvodnog izlaganja predstavnice nadležne službe, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike konstatira da je Projekt izgradnje Centralnog spomen obilježja svim braniocima Sarajeva potprojekt Projekta "Opsade i odbrane Sarajeva u periodu od 1992.-1995. godine" kojeg je svojom odlukom Skupština Kantona Sarajevo usvojila 2006. godine („Službene novine Kantona Sarajevo“, broj 09/), što znači da se radi o projektu od značaja za Kanton Sarajevo, a time i od značaja za Grad Sarajevo i sve općine u Kantonu Sarajevo, uključujući i gradske općine, te cijeni da je izuzetno važno što prije podići ovaj spomenik.
2. Budući da je navedenim propisom Kantona Sarajevo utvrđeno da je nosilac aktivnosti za predmetni potprojekt Ministarstvo za boračka pitanja Kantona Sarajevo, Grad Sarajevo, općine Stari Grad i Centar, Komisija za spomenike predlaže Gradonačelniku da predmetnu inicijativu predoči nadležnima u Kantonu Sarajevo i svojim autoritetom insistira na poduzimanju aktivnosti s ciljem konačnog podizanja spomenika, počev od utvrđivanja lokacije, izrade urbanističkog projekta i idejnog rješenja spomenika.
3. Komisija za spomenike predlaže Gradonačelniku da Ministarstvo za boračka pitanja Kantona Sarajevo podsjeti i na zahtjev Gradskog vijeća Grada Sarajeva upućen u formi inicijative Gradskog vijeća kojom je zatražena informacija o toku pripreme na podizanju spomenika branitelja grada Sarajeva.
4. Komisija za spomenike predlaže Gradonačelniku da s predmetnom inicijativom upozna i načelnike svih gradskih općina, kako bi se i gradske općine, zajedno sa općinama van Grada Sarajeva pridružile konačnoj realizaciji ove inicijative.

TAČKA 2.

Tekuća pitanja

Poslije rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike traži od Gradonačelnika da članovima Komisije za spomenike dostavi po jedan primjerak Elaborata o spomenicima od značaja za Grad Sarajevo.

ZAPISNIČAR

Mirjana Đanović Stanić

PREDSJEDAVAJUĆI KOMISIJE

Enes Husejnović, s.r.